

صباح الخير يعطيكم العافية زملائي وزميلاتي أعضاء فريق ZOOM IN اول اشى بحب أتشكركم فرداً فرداً على ما تقدمونه من خدمات ومساعدات ونصائح ومبادرات وغيرها الكثير من الأشياء الحلوة والمميزة يلي شفثها منكم ثاني اشى انا زميلكم احمد النادي في جزء منك بعرفوني وتعاملو معي والجزء الثاني ما تعامل معي ويمكن بعرفني شكلياً او ما بعرفني بالمره بس الاشى يلي بدي احكيه موجه للجميع وحاب إنكم تعرفوه انا طالب طموح مثلي مثلكم واجهت كثير صعوبات وتحديات لحتى وصلت للمكان يلي انا فيه حالياً وبعد ما أصبحت رسمياً طالب بكلية الاعلام اجتهدت واشتغلت وتعبت على حالي لحتى أوصل لحلمي بس يلي صار انه من بداية اول فصل الي بالكلية وبعد تعب وجهد واجتهاد كبير تعلمت الأساسيات بالتخصص وكانو الطلاب يطلبو مني مساعدة ببعض اشياء " مشاريع وتصوير ومونتاج وكتابة وتلاخيص " مع اني والله ما كنت اعرف حدا وولا حدا بعرفني بالكلية وبعد اختلاطي بطلاب قسمي ومساعدتي الهه كان في ناس كويسة طلبت مني طلب كنت مستبعده عن تفكيري نهائياً وهو الترشح للقسم وتمثيله " الانتخابات " وبعد هيك صار كثير قصص واشياء ومغامرات وبذلت جهد وتعب كبير جداً وتعاملت مع الناس بشخصيتي الحقيقية وما تصنعت نهائياً لكسب ثقتهم